

SCRIPT OF MORNING GOJRI NEWS BULLETIN 3DEC 2025 1015HRS

مارننگ گوجری نیوز بولیٹن 3 دسمبر 2025

یوہ آکاشوائی جموں ہے محمد آسف تین خبر سنو۔

CABINET MEETING

وزیر اعلیٰ عمر عبدالله غی سربراہی مانہے اج کابینہ سطح غی اک میٹنگ منعقد ہون جارئی ہے جس مانہے حکومت غی طرفون چج دوجا بڑا فیصلان سمیت اوپن زمرا غا امیدواراں غی خاطر روز گار تے تعلیمی اداراں مانہے داخلہ غی خاطر کوٹھ مانہے بعدو لین بارے فیصلو وی لیو جاسکے اس سلسلہ مانہے آکاشوائی جموں گا مہارا نمائندہ نے جانکاری دیتا وان دسیو ہے جے تخصص بارے پالسی اس کابینہ میٹنگ غو خاص مقصد ہے واضح رہ جے دربار بدل تین بعد عوام غی طرفون چنی گئی حکومت غی یاہ پہلی کابینہ میٹنگ وے غی جہڑی اج سیوں سیکرٹریٹ جموں مانہے منعقد ہون جارئی ہے۔

CM SMVDMC

وزیر اعلیٰ عمر عبدالله غو کہنو ہے جے حکومت نانہہ شری مانا ویشنو دیوی میڈیکل کالج مانہے اک مخصوص مہذب غا طالب علماء غی خاطر داخلہ بارے کوئے ع trous نہیں ہے ور جے کدے یوہ ادارو اس غی تعمیر غی خاطر لی گئی زمین غی واپسی غرے نال نال حکومت غی طرفون دتی جان آلی مالی مدد ناں حاصل کرنو بند کر دے اس معاملہ بارے جموں مانہے اخباری نمائندان سنگ گل کرتا وان وزیر اعلیٰ نے کہیو جے موجودہ قانون میڈیکل کالج مانہے مذہب غی بناور داخلہ غی لیگل اجازت نی دیتو میڈیا سنگ مزید خطاب کرتا وان جناب عمر عبدالله نے کہیو جے مانا ویشنو دیوی میڈیکل کالج مانہے داخلو مزہب غی بناور نہیں بلکہ قومی مقابلہ جاتی امتحان یعنی نیٹ گئی بناور ہونو ضروری ہے۔

LOK BHAVAN JK

راج بھون جموں غو نال بن بدل غرے لوک بھون جموں کشمیر کردو گیو ہے اس سلسلہ مانہے آکاشوائی جموں غا مہارا نمائندہ نے تعلیمی جانکاری دیتا وا دسیو ہے جے اس سلسلہ مانہے لیفٹینٹ گورنر غا پرنسپل سیکرٹری ڈاکٹر مندیپ کمار بنداری غی طرفون اک حکم نامہ ور باضابطہ طور ور دستخط کیا گیا ہیں جس مانہے واضح کیو گیو ہے جے راج بھون جموں غو نال بون لوک بھون جموں کشمیر غا نال نال پکاریو جے غو واضح رہ جے اس سلسلہ مانہے داخلہ بارے مرکزی وزارت تے جموں کشمیر غا لیفٹینٹ گورنر غی طرفون ہدایت جاری کی گئی تھیں۔

SATISH SOLAR POWER

جموں کشمیر مانہے قابل تجدید توانائی یعنی شمسی نظام غرے ذریعے بطي پیدا کرن غا مقصد نال ٹرانسپورٹ محکمہ غا وزیر ستیش شرما نے جاتے روز جموں مانہے کرے وی 143 غی صلاحیت الہ شمسی پلانٹ غو افتتاح کیو واضح رہ جے اس سلسلہ

مانہبہ جمون کشمیر تو انائی غی ترقی بارے ایجنسی تے سائنس تے ٹیکنالوجی بارے محکمہ غی طرفون ایک جانکاری کیمپ وی منعقد کرایو گیو تھو جس مانہبہ باپو اسمبلی حلقة غا ممبر اسمبلی ویکرم رندھاوا تے جے کے ای ڈی اے غاسی ای او ڈاکٹر پی آز دھار وی اُت موجود تھا واضح ره جے اس شمسی تو انائی آلا پروجیکٹ غی مدد نال بجلی غو خرچو کہٹ ہون ماں مدد لبے غی۔

ITOO CLUJ

تعلیم بارے محکمہ غی وزیر سکینہ اتو نے جاتے روز ابھینو تھیٹر جمون مانہبہ کلسٹر یونیورسٹی جمون غا پرفارمنگ آرٹس شعبہ غو افتتاح کیو اس موقع ور بولتا وان وزیر موصوفہ نے کہیو جے اس غا افتتاح نال نوجوان طالب علمان نال آپنا بہر نانہبہ باندھے لیان مانہبہ متی مدد لبے غی اس موقع ور کلسٹر یونیورسٹی جمون غا وانس چانسلر پروفیسر ایس چندر شیکھیں وی اُت موجود تھا۔

DAR KISAN MELA

کسانان غی پلانی بہتری بارے محکمہ غا وزیر جاوید احمد ڈار نئے جاتے تہاڑے کٹھووعہ ضلع غا گھاٹی علاقے مانہبہ ایک کسان میلہ غو افتتاح کیو اس میلہ مانہبہ شیر کشمیر زرعی یونیورسٹی نال جڑیا متا سارا کسانان تے سائنس دانان نے شمولیت کی۔ افتتاحی تقریب غا موقع ور بولتا وان جناب ڈار نے محکمہ زراعت غی طرفون کسانان غی پلانی بہتری بارے شروع کی گئی سکیماں غی جانکاری نانہبہ عام کرن بارے کم غی متی تعاریف کرتا وان کہیو جے حکومت کسانان غی پلانی بہتری بارے وعدہ غی پابند ہے۔

CS LABOUR CODES

جمون کشمیر غا چیف سیکرٹری ائل ڈلو نے جاتے روز اعلیٰ عہدے داران غی اک میٹنگ بلاگرے حال ہی مانہبہ مزدور طبقہ غی پلانی بہتری بارے قوانین مانہبہ 4 نوا کوڑ نال زمینی سطح ور عملاً جان بارے کم کاج غو جائیزو لیو اس موقع ور بولتا وان جناب ڈلو نے کہیو جے ان نوا کوڈ غی عمل اوری نال مزدور طبقہ غا حقوق غی راکھی کرن مانہبہ متی مدد لبے غی اس موقع ور چیف سیکرٹری نے مزدور تے روز گار بارے محکمہ نال ہدایت کی ہیں جے ان قوانین نال عملاً جان غی خاطر متعلقہ ایجنسیاں نا نہہ پروگرام غے ذریعے تربیت دتی جے۔

PROG ANN

آکاشواني جمون غو علاقائی خبران الو شعبو جنگلی حیاتیات گا بچاؤ بارے تہاڑا گا موقع ور ایک خصوصی پروگرام نشر کرے غو 25 منٹ غو یوہ پروگرام ائندہ 4 دسمبر نانہبہ دوپہر 12 جے نشر کیو جے غو اس موقع ور مہارا مہمان خصوصی جمون کشمیر گا پرنسپل چیف کنزوویٹر فارست تے جنگلی حیاتیات بارے چیف وارڈن سرویشور رائے اپنا ماہرانہ خیالات تفصیلًا پیش کریں گا۔ اس پروگرام کو موضوع تعلیم تے جانکاری غے ذریعے جنگلی حیات غو بچاؤ پروگرام کی میزبانی شروتی کھجوریہ کریں غی۔ مہارا سامعین یوہ پروگرام میٹیم ویو 303 میٹر یعنی 990 کلو بہڑ تے ایف ایم 100.3 میگا بہڑ ور سُن سکیں غا۔